



# Synfocity = 493

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

26<sup>th</sup> June, 2014

## □ Synod Revival Meet 2014 a tiak ta

June 20 - 22, 2014 Khan Electric Veng Kohhran Biak Inah Synod Revival Meet vawi 3-na neih a ni a, thupuih 'Lal Isua zui' (Luka 9:23) tih hman a ni.

Inkhawmpui tan tirh zanah Meet hawna neih a ni a, thupui hmangin Synod Moderator Rev. K. Lalhmuchhuakan Pathian thuchah a sawi a, Pathianni zanah Rev. Lazuithanga, Senior Executive Secretary-in thupui hmang hian Pathian thuchah a sawi bawk. Heng bak inkhawm tum nga dangah chuan Synod Revival Speaker ten thupui hmangin thu an insawi chhawk a ni.

Inkhawmpui hi Synod Information & Publicity Department (Synfo) ten video-in thla an laksak a, Inrinni zan atangin LPS leh ZONET Cable TV ten Live-in an pe chhuak bawk. Tun tum meet-ah hian mikhual riak lut mi 168 leh langa tel (Team member ni lem lo) mi 330 zet an awm a ni.

Meet hlawhtlinna tura Tualchung Kohhran inbuatsaihna a tha hle a, Kohhrana pawl tinte, Kohhran Hmeichhia, Kristian Thalai Pawl, Pavalai Pawl leh Tleirawl (rawlthar) rualte inpekna a fakawm takzet a ni.

Synod Revival Meet hi Synod Revival Team Retreat tiin hun rei tak chung chu kalpui thin a ni a, tun hnaiah a hmang thlakin Revival Meet tih a lo ni ta a. Hei hian team ho pual chauh ni tawh lovin, Aizawl khawpui chungha Kohhran tinte huap zawngin hman nise, tih a ni. Hei bakah hian Revival Speaker-te pual bik, Synod Revival Speakers' Retreat tih chu a hranpa hlakin kum thum kalta atang khan an lo nei thin tawh bawk.

## □ Kristian Chhungkaw Hlabu tlangzarh

June 24, 2014 (Thawhlejni) chawhnu dar 3:00 Khan Synod Conference Centre-ah Synod Moderator Rev. K. Lalhmuchhuakan Kristian Chhungkaw Hlabu a tlangzarh a, Upa H. Zoliana, Synod Secretary in Pathian hnena hlanna hun a hmang. Hlabu tlangzarh inkhawmah hian Aizawl khawpui chung Kohhran tin atangin Kohhran Hmeichhe aiawh leh Kristian Thalai Pawl aiawhte sawm an ni a, mi 300 vel zet an tel a ni.

Hlabu tlangzarh inkhawm hi Rev. P.C. Pachhunga, Executive Secretary i/c Music in a kaihrui a, Upa F. Lalremthanga, Music Coordinator hnen atangin Inhmelhriattirna leh Reports ngaihthlak a ni a, Chawnpui Bial Zaipawlte an zai bawk. Synod Moderator-in hlabu a tlangzarh a, thusawina hun a hmang zawhah Upa H. Zoliana, Synod Secretary in hlabu hlan tawngtaina hun a hmang leh a, Synod School of Music ten Instrumental Duet an entir. Upa R. Zatlai, Venhluiin thusawina hun a hmang a, a duh apiang tan thusawina hun hawn a ni a, Upa R.L. Thianga, Synod Music Committee Member-in lawmthu sawina hun a hmang.

Kristian Chhungkaw Hlabu hi kum 2010-a ram pum huap Kristian Chhungkaw Hla Inphuahsiaka hla thenkhat dahkhawmna a ni a, hla 302 (Kristian chhungkaw hla - 184 leh Inneih hla 118) a awm. Hlabu man hi Rs. 100/- a ni a, Synod Office, Music Department-ah lei theih a ni.

Hla inphuahsiak buaipuina senso zawng zawng bakah hlabu chhut man hi Upa R. Zatlai, Venhlui te chungkaw tum a ni.

## □ MSSU

♦ June 28 & 29, 2014 hian Chanmari West Hmarveng Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa K. Vanlalngaka, Ramhlun East (MSSU Trainer) leh NI. Lalzarliani, Chaltlang te an kal ang. Training bakah hian fanau enkawl (child evangelism) chungchang thuchah sawiin hun an hmang bawk ang.

♦ June 28, 2014 (Inrinni) hian Venhlui Kohhranah Sunday School Zirtirtu Training neih a ni dawn a, hemi neihpui tur hian Upa B. Lalhmunliana, Bethlehem Venglai leh Upa Hrilthansanga, Mission Vengthlang (MSSU Trainers) te an kal ang. Zan Pathian biak inkhawmah Upa B. Lalhmunliana fanau enkawl chungchang thuchah a sawi ang.

## □ Music

June 25 - 27, 2014 hian Khawlailung Kohhranah Khuangvuak Training neih mek a ni a, hemi neihpui tur hian Lalromawia, Senior Music Instructor leh Lalrinchhana, Ramhlun North te an kal.

## □ Social Front

June 7 - 29, 2014 hian Biate Bial huapin Biate Kohhranah HIV/AIDS Awareness Campaign neih a ni dawn a, hemi neihpui tur hian Pu Alan Lalmuanpuia leh Pu Jacob Rosangliana, Social Front Campaigner te an kal ang.

## □ Kristian Thalai Pawl

♦ June 27-29, 2014 hian West Phaileng-ah Bial Meet neih a ni dawn a, Central KTP atangin Pu V. Lalrinmawia leh Pu K. Lalruatpuia, Committee member-te an kal ang.

♦ June 28 -29, 2014 hian Kawrthah-ah Bial huap Leadership Training neih a ni dawn a, Central KTP atangin Dr. Julie Remsangpuii (Treasurer) leh Pu Vanlalpeka (Com. member) te an kal ang.

♦ Mizoram Synod Choir chuan June 28, 2014 (Inrinni) zan hian Tuikual Kohhranah Hla Kutpui an hmanpui ang a, June 29, 2014 (Pathianni) zanah Zarkawt Kohhran Biak Inah Synod Moderator an tawiawm bawk ang.

## □ Synfo Recording and Advertisement Rate

Synod Information and Publicity Committee chuan a hnuai tarlan ang hian Synfo recording leh advertisement rate a siam thar a, he rate thar hi July 2014 atanga hman nghal tur a ni e.

### 1. Audio Recording Rate

1) Solo, Zaipawl leh thusawi	:	1hr.	- Rs. 200/-
2) Final Processing and Mixing	:	Hla 1	- Rs. 100/-
3) Music Tract siamna	:	Hla 1	- Rs. 500/-

### 2. Video Recording

1) One Camera & Editing	:	Rs. 1000/-
2) Two Cameras & Editing	:	Rs. 3000/-
3) Three Cameras & Editing	:	Rs. 3500/-
4) Three Cameras with mobile studio	:	Rs. 5000/-

Note : Hei hi nikhat atan zel a ni ang a, nikhat aia a rei chuan ni khatah Rs. 500/- zel belh tur a ni ang.

Contd...

### 3. Video Coverage

- 1) Synod Department te tan : Rs. 2000/- prog/function pakhat zelah  
 2) Pawnlam mi tan : Rs. 3000/- — do —

### 4. Advertisement Rate

- 1) Spot Advertisement - 1-10 days : Rs. 300/- 1min per spot  
 30 days : Rs. 250/- — do —  
 60 days : Rs. 200/- — do —  
 180 days : Rs. 150/- — do —  
 1 year : Rs. 100/- — do —  
 2) Kar zeh – 1 spot **30 secs 1min**  
 1 - 5 days : Rs. 1000/- Rs. 2000/-  
 5 - 10 days : Rs. 800/- Rs. 1500/-  
 10 - 30 days : Rs. 500/- Rs. 1000/-  
 3) Scroll : Darkar 12 chung atan Rs. 200/- zel (Maximum word – 50 words)

#### □ Remna Ni

June 30 (Thawhtanni) hi Remna Ni a nih avangin Synod Office leh Synod Department hrang hrangte an chawl ang.

#### □ Hruaina Eng FM Radio & TV Programme

♦ **JUNE 27 (FM Zoawi Aizawl @ 7:30 p.m.) :**

**Solo :** Feli Thangluah - I tello chuan Lalpa, **Choir :** Republic Veng Kohhran Zaipawl-Pathian hmangaihna, **Thuchah :** Dr. R. Lalrindiki - Glaucoma (mitmu pressure sang), **Solo :** B Tea - Nitinin, **Choir :** Chanmari Pastor Bial Zaipawl - I van ina rawngbawltu, **Solo :** Laldusaki - Aw hmangaihna sawi thiam ila

♦ **JUNE 27 (FM Lunglei @ 7:30 p.m.) :**

**Solo :** Feli Thangluah - I tello chuan Lalpa, **Synod News, Choir :** Republic Veng Kohhran Zaipawl-Pathian hmangaihna, **Thuchah :** Dr. R. Lalrindiki - Glaucoma (mitmu pressure sang), **Solo :** B Tea - Nitinin, **Choir :** Chanmari Pastor Bial Zaipawl - I van ina rawngbawltu, **Solo :** Laldusaki - Aw hmangaihna sawi thiam ila

♦ **JUNE 29 (TV Programme @ 3:00 p.m.) :**

**Group Zai :** Chaltlang South Kohhran Hmeichhia - Buhfaitham, **Playback :** Buhfaitham Documentary Film tlangzarh

#### □ Susamachar Prasaran Programme

**JUNE 29 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo :** Chanmari Masihi Sangati - Aaradhana, **Group/Choir/Solo :** Hunthar Masihi Sangati - Pavitra Atmaa, **Sermon :** Rev. David Lalramliana Ralte - Hum Parmwshwar ke santaan, **Group/Choir/Solo :** Melthum Masihi Sangati - Krista Zara Unau, **Group/Choir/Solo :** Luangmual Vengthlang - Tumhara Mann Biakul Na Ho

#### □ Synod Moderator Programme

Synod Moderator Rev. K. Lalhmuchhuaka chuan hetiang hian hun a hmang ang :

June 29, 2014 (Pathianni) Zan : Zarkawt Kohhran

## PRESBYTERIAN ENGLISH SCHOOL MOTTO LEH LOGO CHUNGCHANG

Synod Education Board Meeting, 2013-in a remtih angin Education Board Executive Committee (SEBEC) 314:9 chuan Presbyterian English School tan School Motto leh Logo (Emblem) a thlang thar a. Synod Education Board hnuacia Presbyterian English School zawng zawngte chuan hman vek tawh tur a ni ang. Hetiangin:-

1. School Motto - "Light of the World" (Mathew 5:14)
2. School Logo (Emblem)

#### Emblem chungchangah hian hengte hi hriat ni se:

- 1) Emblem bial chung hnuai lama 'Aizawl' tih ziahna hi School neitu hming/khua/veng ziahna tur a ni a, a tul anga tihdanglam theih a ni.
- 2) Emblem chawitu (inngahna) Ribbon veilam hmawrah hian Estd. ziah a ni a, Ribbon dinglam hmawrah hian mahni School din kum ziah tur a ni a, tihdanglam theiha dah a ni.
- 3) Emblem-ah hian thil dang chu mahni duh thua tihdanglam hauh loh tur a ni ang.

**Emblem hi Hard Copy (Black & White)- Copy 1 each, Soft Copy (Black & White) - Copy 1 School tin tan siam a ni a, mahni School Copy tur chu Supervisor of Schools, Synod Office hnen atangin lam mai tur a ni ang.**

PES Motto leh Emblem lailawk (hlui) hmangin engmah siam belh tawh loh tur a ni ang a. PES mamawh Stock awm sate erawh chu a lo thlawna tiriral lo zawnga zawi zawia thlak tur a ni ang a, Stock tih ral zawh hunah chuan Motto leh Logo (Emblem) thar zui zelin PES mamawh chu buatsaih zui tawh tur a ni ang.

**REV P.C.PACHHUNGA**  
Executive Secretary i/c Education etc.

## SL&PB HRIATTIRNA

Guwahati atanga Synod Newsletter phurtu Truck chin hriat lohva a bo avangin a dang chhuttir leh nghal a ni a. A chhuah tlai dawn avangin chhiartute hriatthiamna kan ngen e.

Editor  
Synod Literature & Publication Board